

夢

林

玄

解

夢林玄解卷之九

夢占

形貌部三

肩脇

腋背

乳臍

腰腎

心胸

肩脇類

精血

汗氣

膀胱

陽腎

陰谷

兩肩生于耳上似無項大吉

占

體壯身強爵高祿重

杜畿夢衣錦坐危車遊黃河左沙坡懸鏡自照兩肩高聳頭連胸乳似虎無項次日魏參軍拉飲帳中畿語曰夜夢無項恐不祥參軍曰此乃威振邊疆之象果為河東太守是時天下郡縣皆殘破河東最先鎮為守郡民安物阜名振三國

斫肩吉

占 警醒宜守之兆。其人干係必重。有禍必輕求財大得。道路小心。苦病中此夢。有神明救解得痊。

肩生桃枝開一花

占 桃花淫賤。美玩也。夢者得美妾。生美女。壽增長。若孕婦夢之。生女不生男。

荷擔肩上吉

占 任重之象。夢此為冢宰。為元帥。為族之長。為邑之主。諸事大吉。

貞婦張璋玉。未嫁時嘗夢肩負荷重擔。寤告親曰。女子不出戶庭。夜夢荷擔。恐在亂離。奈何。父曰。一家重負之兆。為媳婦者正當然。後為庠生視胤妻。生子文冕。胤卒。辟禮訓子。杜門不出。四十餘年。終始如一。子貴贈宜人。

立人肩上元吉

占 此夢為人所尊而獨立不懼。者大貴之象。其侯王之兆乎。

肩上立人 吉

羊琇夢人執鍾立于肩。上寤以訊母。母辛寤。英曰。當為上。人用。但必自思所立。後鍾會西征。以琇為參軍。會反。于蜀。琇以全歸。

肩突出

占 肩者肱之本。其象為佐輔之人。夢此其兆必佐輔我者。有突出之情。

兩肩受打痛極 大吉

占 夢之大得人加之兆。學者得之。精神倍增。猛士得之。力長千斤。貧窮得之。有人扶助。衰病得之。氣旺。神清。

肩上生癰疽 吉

占 癰疽者。毒氣所聚。此夢乃兩間氣聚。日 壅積不散。佐輔踣蹙。富貴充足之象。

肩背生虫蛆 吉

占 此生氣旺動之象。蛆者裸蟲之屬。人爲裸蟲之長。夢此者。萬貫金錢。

蛇盤肩腋 大吉

占 蟒衣之象。若高年衰病者。夢之不祥。

削去兩肩 凶

占 兩肩被削。如失左右手。幫貼無人。是日丁有難。二體既傷。家國其何能保。

肩脅開闊平硬 大吉

占 寬和舒暢之象。夢者心事平順。筋絡疏通。快爽開懷。適逢陽健。諸事得調。大吉。

肩無力 凶

占 扶助者少也。諸事皆不祥。惟病者夢之不妨。若父母兄弟有患。而夢已無力。真惡夢也。

脇肋高聳

占 左肋高。右肋低。男強女弱。
日 右脇高。右脇低。弟盛兄衰。

加增肩骨 吉

占 兆主添益人口。夢中增兩骨。醒來骨髓充盈。
日 自己生精。家內增添婢僕。更得人來助力。

肋骨細短 凶

占 此夢氣虛力減。財損用不足。家資
日 窮敗。病加增。藥失其方。諸事差誤。

脇作鳴 吉

占 脇本無聲。聲在肺經。夢魂振動。有禍必輕。
日 行人音信。學業長成。病宜調理。爭戰摧城。

脇破出月 大吉

占 月為太陰。金象也。婦人夢之。孕
日 秀貴也。文人夢之。顯貴高明。

劍決左脇 大吉

唐肅宗吳后侍寢大驚秉燭呼之既寢后曰夢中有人金甲操劍曰上帝命吾與汝為子乃自左脇劍決而人痛甚難堪以燭照之若有赤痕孕生代宗

脇被鎗刺 貞吉 否凶

占 鎗屬金金為財利要脇被刺協力受利之兆
曰 惟不宜訓訟出行不宜爭鬪諸事皆吉無咎

脇肋下生翼 吉

占 人生翼將上達夢脇下似飛虎文士
曰 登科武士得助孕婦生賢病者得逸

脇肋鳥飛 凶

占 閒暇無事意亂心煩旁人調說或有移遷若在病中魂飛魄散天催女子要之必有喜事至
曰 左逆止母夢已脇化為鳥飛而上霄遂有姪生適止母冠成子登顯位後夢鳥飛入脇卒

少腹開穴 凶

占 陽不足也。此男變為女之象。玉莖
日 受損之兆。夢此必為他人所欺。

少腹浸入水中 吉

占 腎旺則夢大水。腎虛則夢水涸。水浸小肚。潔
日 淨和樂。無意中得財物之夢。娶婦得妻財。

人刺背 大吉

唐玄宗晝寢。夢人刺其背。驚寤。召高力士問之。力
士曰。後面有良刺。史。天下大治矣。必得諍臣入相。
時韓休為相。峭直
力諍。不干榮利。

背負重石

占 負荷非輕之兆。此夢立功任重。為人所憑。
日 諸侯霸仕。令尹平安有事。關係宜盡力。

背裂 凶

夢有三角

占 國有艱危。家有變異。為臣盡忠。為子盡義。日 寡親丁。孤獨奴婢。巧流夢吉。百路無忌。

滿背生瘡痛難忍 凶

宋宗澤之汴舟中夢背生疥瘡痛極驚寤。日。今後必有大禍。不二年疽發于背而亡。

背上縛一木 凶

占 夢此是休囚困苦之象。日 諸事不利。宜急解鎖。

背上生目能視 吉

占 能見後人 日

得孤后少夢背生兩目。父曰將來見富貴。可喜且賀。後果為皇后。

背有童子在兩髀中 凶

占 人之臟腑命門皆從膏盲出。膏盲在肩髀骨間脊骨之內。此兩穴在天為天根。在地為乳門。在國為

曰 陵寢為聖母在家為家廟在人為人所
不見不聞手指所不及藥力所不能引
晉侯求醫于秦秦伯使醫緩治之未至公夢二豎
子曰彼良醫也懼傷我焉逃之其一曰告育之上
膏之下攻之不可達針之不及藥不至焉公曰良醫
也為之厚禮而歸之

背上有虫行 吉

占 夢此多勞多愁多利多財虫生意生意出
于背後勝于目前諸事皆吉惟病不宜

蠅集背 凶

占 蒼蠅紫蠅翼鳴美聲輕小華形喙食易盈
曰 奸邪小人品類陰情夢背集蠅後禍難明

背負羊車 吉

占 羊車本是絡中形背脊巍巍向玉庭
曰 引氣上昇由命穴夢見神隨延九齡

背上有一童子 吉

占 後有賢孫良裔之兆

背生艸 吉

占 主肝氣有餘

背骨斷 凶

占 人譬屋背脊猶棟棟折屋不能安夢此父母亡
日 子任死身殞命大不為祥謹慎解鎖可以轉禍

鵲鳴背上 凶

占 鵲者朱雀之屬經曰飛鳥遺
日 之音不宜上宜下此之謂也

背有龜文 吉

占 龜者兆靈之物夢此主位列三公
日 榮顯壽考

背上生蚕蛾

占 瘡痂災殃體氣不泰禍
日 事紛紛啾唧抱悶之兆

背上瘤 吉

占 夢者必有重負不能脫去囊
日 中有物之象羈留遠行之兆

○○○乳臍類

生四乳 吉

占 男夢生四乳主娶賢妻美妾
日 女夢生四乳必產貴子賢孫

擊乳作金鉞聲 大吉

占 金之數于五行爲九五形爲乳生死所係夢作金
日 聲于孫吉慶良朋相會雖病劑不死雖陷縲紲必
黃蓋鉞爲軍中奏凱又爲釋道
壓邪鬼用之此夢諸事大吉

被人割乳

占 乳者汝也。血肉不可割傷。夢者。日 衰親丁。少孕育。失產業。有母災。

食人乳 吉

占 血氣有餘之象。日 親丁發達之光。

乳上生髮 吉

占 生人之祿。大吉。主福壽。日 食豐需。病患消除。事事佳祥。

乳流出無數

占 乳。人子之食也。此夢。主充足有餘之光。日 衣食盈餘。壽命無窮。產婦夢之。不祥。

乳鳴蛙 吉

占 子呱呱而生之光。病者夢之。宜禱。鎮壓。

蟻出乳中 吉

占 蟻能穴泥鑽土。將至運骨。微生也。出者。災去也。夢此。病去患除。吉祥之兆。

乳上裝翠寶

貞吉 否凶

占 錦衣玉食

乳生杏花 吉

占 兆此者。驗于榮歸。女夢著于產孕。

犬來食已乳

占 男夢被人訟官。必主和議。女夢生男。必易長成人。應在申戌候。

蛇入臍中 吉

占 逢途躋躋。必然龍舞鳳翔。笑傲旋旋。蚤得青蛇。曰 白兔。中饋豐奢。舍身塗炭。外財剋剋。積福倉家。

臍出烟 吉

占 少年夢之。當布新婦之喜。

臍上草生 凶

占 草生苗不長。苗長草不生。此田園荒蕪之兆。

針刺臍 吉

朱壽昌丁母憂。涕泣幾喪明。夜夢以鉄針刺入臍中。驚覺。兩目無恙。

以繩穿臍

占 文人隱士得盛明。幼學遇明師善訓。平人有好人相結。女子為丈夫寵愛。生意獲大財。

臍生小羊 吉

占 貧者夢之富。富者夢之貴。貴者夢之加。賤女子夢之有喜。至有恙者夢之疾瘳。

無臍

占 兆主飢餓

臍水出 吉

占 腎水有餘之象。水既盈必流出。水既出中必涸。夢此氣旺神清。災消病除。

虱叮臍 吉

占 虱者半風之象。此兆風土和諧。受人囑託。得人利益。

日入臍 大吉

慕容德母公孫氏夢日入臍中。晝寢而生德。德後稱帝于廣固。

臍穴見屋 凶

占 夢此防腹疾。

腰腎類

腰繫金銀 大吉

占 夢此兆者。文人大貴。女
曰 人夫榮。腰纏十萬之象。

被人以刀斷腰

占 兩截。功名再試再
曰 捷。作事有頭無尾。

腰間火起 吉

占 水火既濟。運旺氣足。陽有
曰 餘。陰有積。家資充。情意快。

腰汗出 吉

占 熱氣薰蒸。發于肌膚。金水相干。汗出毫竅。三焦火
旺。氣乾水枯。而為虛熱。夢中腰汗。覺來膚燥。是家
曰 事在心。因已得治。若病中夢之。病從汗
出。為康健之兆。足汗。無如珠玉。為失事。

腰間掛五臟

占 藏財漏洩之兆。五臟在五體之內，夢掛腰外，是肌膚不能包藏之象。家資暴露，積蓄散失也。

洗腰腹見臟腑 吉

占 心緒分明之象。夢此者，惡去善來，禍消福至。隱者顯，昏者明。受冤者得白。

腰生虱 吉

占 人氣生虱，此夢生不生已，氣旺財來。又為腰間盤繫錢財之兆。主比事有水色。

鬼入左腰腹內 大吉

占 大得遂志之兆。選舉魁甲，功名彰王，商賈萬倍，胎孕公侯。

腰腎水流

占 地火明夷之象。夢水得金，水流出為費財利。此兆陰有餘，精不固，火上升，時虛度，病痊可。

夢占

腰腎

二

夢占

腰腎蛭行

占 世亂兵強之兆。腰是山坡。腎是溪流。滿身甲冑如蛭行。似夢中。

腎成玉石子 吉

占 若滿腰玉石。掛在囊中。此氣足精固。慾火不動。夢之諸恙皆除。男子夢之。主得子。

犬咬去腎囊 凶

占 鬼賊相侵之夢。須防盜賊失財。敗產傷生之禍。無血大凶。

刺腎囊

姚長初殺符堅。及稱帝。後如長安。至新支堡。疾篤。夢堅將天官使者。曳其衣而入營中。其懼走人。官。高。人。迎。其。柩。是。其。陰。鬼。語。曰。正。中。死。處。反。予。出。二。石。餘。宿。而。驚。悸。遂。患。陰。腫。醫。刺。之。出。血。如。夢。至。長。安。而。死。

被人割腎去

占 仕宦不祥

兩腎突出 凶

占 天脫驚危之兆，必有急事至，若夢出復入，則疑難無大咎。

鳳凰喙腎 吉

占 夢者姻緣晚諧，功名後得。子嗣美賢，諸事佳慶，但不在前。

腎囊明亮忽大如斗

占 此乃富貴之兆也。夢此者，食祿千鍾，驅馬高車，不明者不吉。

〇〇〇心胸類

以刀開心 大吉

占 刀者肺之氣持刀者肺之神肺為心之華
曰 益夢刀開心心竅通也諸難解百憂去

鄭玄師馬融三年將去過樹陰下假寐忽夢一人以刀開其心語之曰今可學矣返而復卒業遂精于典籍後東歸為名儒

取人心肝吉

唐張儉初登第夢取人心肝次日請同第言夢事儉以告同第曰凡他日為民父母大得民心後為湖州刺史大牧營田歲收數十萬斛遇旱勸民相賑贖台郡皆豐足民立生祠祀之

見人心肝成犬豕吉

占 大點冥而呼引物于無經心求逐去遂
曰 立業戶家唐常賤華夢此當于戌亥生子

心變鳥

占 飛動之物能伸雲漢夢心變之文人
曰 大吉經商尤美詩訟等事有變不驚

心如明月 大吉

占 虛心應太易清光照天下羣星隱而萬物
曰 仰瞻浮雲散而一腔如畫聖人之夢也

人抱腹心 吉

占 為臣得君寵為君得賢佐為妾得夫愛
曰 為客得扶助抱病得神醫初學得師傅

心腹空 吉

占 虛心受教空肚飽餐夢見此者
曰 士為顯官孕生忠孝衰弱平安

心中有一羊 凶

占 未為羊木庫未夢此為肝火攻心當
口 有疾病至心中一羊恙字也防之

雷擊破心 大吉

文文山未第時遊于衡岳夢龍陣從洞庭來霹靂
一聲心碎如屑以問諸同遊者伯友曰當作丙辰

首甲矣果驗
狀元及第

取心水中洗 吉

占 洗心滌慮。毓德檢身。
之象。天乙來。慈火去。

日 金士英年二十。病瘵瘵。夢天王以三
時水洗其心。寤若無疾。壽至九十。

水入心 吉

占 心火炎炎。水被熬。一番滋潤。一番焦。
日 火涼水煖。精神伏。過改災除。病患消。

懸心樑上 大吉

占 志意高掛之象。夢此。私情隔絕。
日 姻緣不諧。功名高。遂諸事大吉。

手摩心 大吉

占 摩者轉燥調理之象。夢手為兄弟新明。
日 此兆病除。夢問家。此。諸事皆吉。

指畫心裂 吉

占 裂者陽不足。夢指為子侄親丁。此夢是改過自新之象。有吉無凶。

周昭王夢人以指畫心。應手而裂。遂患心痛。后夢中人來以手摩之。即愈。

心痛 凶

占 夢主親族遭殃。知己受厄。病者夢之。恙入胞胎。平人主有人謀害。

頭上戴人心肝 吉

占 交情密切之象。自頂他人意。人心在我頭。親朋結歡。一同出入之兆。

開心納藥

占 藥納百病去。心開萬事全。才深有學。智愈無謎。上智脫離平白地。下愚移到碧雲天。

尹知章少勤學。嘗夢神人以大盤開其心。以藥納之。自是日益開朗。盡通諸經精義。未幾而諸師友

北面受業焉。張說薦為秘書監。

以寶易人心 吉

占 人心。至寶也。以假易真。利已之象也。夢者文思暢順。經商獲利。

心上生禾苗

占 苗生于心。心種發也。文人益才思。婦人夢之。孕貴育秀。生花結實之兆也。

無心 大吉

漢谷永嘗夢開胸見骨。有膽無心。以問于師。師曰。子誠無心人也。必大賢臣。果為大司農。直言諫諍。帝為欽客。

鑿破心胸

占 心中有利器。目下遇恩榮。學者夢之。大吉。天曰。下文章第一。訟者夢之。大凶。值心禍患自冲。

胸忽裂 大吉

占 裂破舒開也。主文思日加。懷抱寬宏。為臣盡忠。為

人脚踏胸腹上 凶

蕭山何仲賓為憲副。生性嚴峻。留家一宿。夢人
雙脚踏其胸腹。心甚一。子執語之。曰。奸仇害
父。敬以死報。及旦。駕舟渡江。縣尹倉皇伏謁。以為
富道已而尹自漸。陰令解者問道。餘于害之死地。
子敬慟哭曰。父夢人踏胸腹。竟被鄒縣尹踏害。今
我必踏殺鄒賊。後敬提登聞鼓。訟父冤。事下并鞠。
竟逮諸解人抵死。鄒尹論戍。

胸忽開 吉

占 胸開舒展。懷抱夢兆。諸事成。百憂皆散。喜慶來臨。吉祥之徵。

剖胸納巨鑑 大吉

占 訓心見誠信納鏡得高明應舉入太學
處家無隱情女夢得貴子男夢補肺精

王處訥夢人持一巨鑑星宿燦然剖腹
納之因究星曆占候之學深造其旨

胸中出錦繡統綺

占 此兆文人夢之文章錦繡才名上達孕
婦夢之生貴育秀腹患症可宿冤伸舒

胸前懸鏡吉

占 大將登壇之象一方善政萬里兵權英雄
逞志有知人之哲高士幽居無利利之虞

胸前心坎大如斗大吉

占 夢之得心寬意樂窮居陋巷將來改
換門閭博學多聞此去高揚令譽

胸光如水晶吉

占 胸中靈秀之象

胸掛虎形 吉

占 君子成虎變
小人假虎威

胸旁出火焰 吉

趙方為荆湖制置使夢其子葵兩肋火炎驚寤曰
葵夢兩火光燭天兒欲何為葵應曰志滅金賊未
知所欲諸將聞之曰龍肩有火麟字皆然趙公子
當大貴越三日聞警葵與諸將偕出大掠方行搞
賞軍士憤其薄葵亟呼曰此朝廷賜也本司別有
賞資軍士遂定方曰子年十三衆服機警吾夢汝
胸光焰炎炎
今果驗矣

胸露骨無膚

占 肌膚損失心驚暴露大
曰 老子孫亡切輩親遭禍

胸生逆鱗 大吉

占 龍形也。夢已身有逆鱗。其貴無上。其富
有下。若夢他人。須認其為誰。不可犯。

胸旁竅開如穴 吉

占 夢毫竅開者。耳聰目明。才敏志遠。胸中為
心胞胎。左穴怒消。右穴憂散。佳祥之兆。
與顯夢胸開二竅如
鼠穴。後為蜀郡計條。

胸藏筆 吉

占 筆能書寫。計文策武。救生主
殺。夢胸中有筆者。詞章都麗。

胸變婦人乳 吉

占 柔能制剛之兆。男乳屬陰。女乳為陽。男乳微細。
女乳高大。此乃弱勝強。邪勝正。陰勝陽之夢。

葉生胸脇

占 夢此者。主無味中
有味。不生處有生。

〇〇〇 臟腑類

盛臟滿盆見五色 大吉

占 文章華麗之象。辭由臟中出。盛滿成器。夢見五色光精。采異常。置之盆中。當以上達。

自灌水入臟 吉

占 水者。金之子。臟者。百物收藏之處。夢此者。全自外來。而收藏于居室之內也。

臟中取筆 貞吉 否凶

占 筆在臟中。書數能通六藝。寤寐取出。醒來要作千言。

五臟出在地 凶

占 五臟離腹。為氣散。在地。氣散于土也。其禍遲久。

漢成帝召楊雄作日泉賦。雄倦卧。夢五臟盡出在地。以手收入。及覺。氣衰。遂有疾。一載而亡。

夢肺玄解

夢之也

臟腑

主

夢占

無五臟 大吉

占 士夫有府尊之職。庶民有鄉
村之樂。女子有才郎之慶。

洗臟腑 吉

占 藏府一空。胸
腹一清之象。

拾臟腑

占 夢已身。臟腑在外而拾得之。主恢復舊業。
日 夢拾得他人之臟腑。主獲外財。更虞世亂。

剖分臟腑

占 此夢主分開舊局。
日

臟腑在雲中

占 此夢主生痰病積。求仕選者。夢之大吉。學
日 文者夢之。主小高。德盛。吉雲。吉白雲凶。

臟腑缺少一二

占 夢無膽有虛驚。無肝成怒病。或作事不成。無肺有言人不聽。無胃缺食。無脾家無地。無腸大凶。無腎日 有好事至。為吉祥之兆。

虫生臟腑中 吉

占 生意綿綿金錢堆積大富之兆。

照見五內

占 自身五內惟善養生者知之。否則不能察也。好學者得之為明察詳審之象。心經有云。照見五蘊皆空。皆空者惟方外人得之。大吉。

○○○腸胃類

納腸入腹 大

占 夢此者兆主文章益進
曰 利取股股諸事佳祥

腸中火起 吉

占 心腎之火會于脘下陽氣胃煖故有此夢若患
曰 痢者夢之藥力使然也文士夢此熱衷之占

以腸繫人 吉

占 懼人走脫
曰

見人易肚腸 吉

占 肚腸變易寬他解散恩人反叛若夢道路
曰 之人不曾識認者諸凡作事必豫防之

掛腸在兵器

貞吉 否凶

占 此亂世之事因利喪生之景若夢高
曰 掛鎗尖懸于衆人頭上大貴兆也

腸結陰物 凶

占 人之陰物。少陽相火也。結者。閉
曰 結之象。有氣不舒。有志不遂。

烏鴉喙已腸

占 烏鴉。朱雀。爭。痰。在口。占。夢。初。父母有
曰 殃。子孫有海。妻。擊。聞。已。鄰。里。聞。訟。

腸成絲

貞吉
否凶

占 相思。牽。掇。之。兆。絲。出自。天。虫。經。論。
曰 萬象通。夢。之。文。名。得。遂。姻。絲。成。配。

腸出化虹升吉

占 文人。夢。此。氣。吐。虹。霓。女。人。兆。
曰 此。孕。生。雄。俊。老。年。夢。之。凶。

斷腸凶

占 腸。斷。難。續。悲。哀。難。忍。也。辭。鄉。背。井。骨。肉。飄。零。思。
曰 義。隔。絕。唯。余。財。財。與。嫁。人。為。笑。母。者。夢。之。大。吉。

人易腸中物

貞吉
否凶

占 窮者憂愁之聚
曰 夢之則吉也

腸達城關 大吉

孫堅母懷妊夢腸出達吳關門以告
婦鄰妯曰吉胎中必大貴者果生堅

被人抽腸臟去 凶

占 腸臟廷命者也去之不能生也夢之
曰 被盜欺侮惟應選考試為大吉

掛腸山上 大吉

占 志在高岡之象有是則天下之人
曰 皆仰而望之矣忠臣孝子之夢

抽取人腸 吉

占 夢象主得人之長

滌腸胃 吉

占 洗滌去穢也。夢此者。

日

王祭舊更新之兆

王仁從少省夢神其腸胃以西江水滌之。顧見江中沙石皆成福篆之文。由是文思益進。因號詩集

江集。

晉吳寧中。沙門竺法義。在始寧保山後。得病積時。日就羸篤。遂不復治。數日。晝夜夢一道人來候其病。因爲治之。刺出腸胃。游洗臟腑。是有結聚不淨物甚多。洗濯畢。還納之。義曰。汝病已除。夢覺果患豁然。時得復常。

胃脘開豁 吉

占 北夢。兆主時運通。達。情意暢快之象。

○○○肺肝類

肺上生花 吉

夢林玄解 宋之九 肺肝

半

夢占

占 此兆。土人夢之。文思生花。孕婦夢之。產女如花。禎祥之夢也。富人夢之。主花費。

肺出成雲霞

占 雲者。流動不寧。霞者。空虛無實。夢者。諸事不祥。惟文士夢之。大吉。

肺生兩翼 吉

占 夢主金氣有餘。金無餘氣。故七政九竅。惟金無二。肺主金而夢生兩翼。大定回鑒之象。

掘地得自己肺腑 大吉

占 貧人夢之。偶夢大財。富貴者夢之。領長萬金。農夫夢之。大豐年。有於事者。夢之必驗。

換易肺腑

占 肝主氣。肺主皮。毛髮易者。氣血變更也。或夢從善。或夢為福。達至大邪。福臨禍去。

馬。夢。年。月。八。夢。上帝。遣。神。易。其。肺。胸。云。得。有。微。命。自。後。禍。福。皆。前。知。未。嘗。出。戶。人。或。見。之。江。海。之。上。

肺肝如石 吉

占 肺主金。秋如石。肺虛如蜂窠。肝主木。春如花。肝虛如泡影。心如堅石。心如稿木。則有此夢。福至病盛。

以刀割人肺肝 吉

占 金木刑人。夢者以柔維之。利在於他。戰勝攻取之象也。

被人刺肺肝 大吉

占 針刺起死為生。夢人來刺我。我見其所刺。彼曰無欺。隱我有靈。感禍消病除。福臨利亨之兆。

肺肝被虎食 凶

占 身陷虎口之兆。夢此音。主於疾病。正戰皆不利。

照見人肺肝 吉

占 所見者誰人。思仇顯易。我所照者。非鏡。反見為難。我既知人。人莫我欺矣。

取肺肝納已腹 吉

占 彼之呼吸在我腹中我以氣血為彼出入兩人一心受納無二。

換人肝肺 貞吉 否凶

占 肝主呼肺主吸夢中何人我住換易呼吸由我出入皆然女子夢之必主貴子。

剖肝見珠

占 肝乾也珠淚也夢子又有夢夫婦生珠在已肝淚出痛腸之兆又為收淚之象。

肝化蝴蝶飛

占 夢之者病入肝其怒氣消平。

膽忽大 吉

占 膽大無驚恐年折膽也夢此者心下而小做事無畏縮處皆有作爲。

陽腎類

銀針刺入馬口 吉

占 弱元有出無入溺出于此而精亦從此出。針灸所不及。夢銀針刺入。是金氣旺盛。得助剛強之兆。

玉莖飲酒 吉

占 夢此當得嬌妻美妾。良朋曰 俊僕有歡樂大暢之遇。

鐮刀斫開肉具 大吉

占 文人作顯宦。武士立大功。商賈得大利。娶女曰 遇良媒。奴姓生貴子。疾病得切已者救之。

肉具長垂過膝 凶

占 無所守之兆。必有之則飲食多愁。忌其家承弱而無能。其駭驚受而有恥。

玉莖生寶相花 大吉

夢見玉莖忽長吉

王青瑤夢見上生花。我如寶相。其父聞之。以問大法師。師曰。大貴徵兆。果為駟馬都尉。

玉莖忽長吉

占 未知北牡之合。而較作生育之源。精神之本。夢見長大。家聲業盛。親丁有喜。資財暗長。交游密切。

腎被責痛吉

占 兆主前後存人出力。有漏必耗。宜自省改過。無咎。

腎無膚凶

占 貧窮孤苦之象。

腎無屋

占 幼冲夢之。為無家。為有疾。高年夢之。為獨夫。為廢宅。

生尾如禽獸腎吉

占 無初有終之兆。初夫生同。婦婦得見。在堂遇友。工役將完。若夢蛇尾。大化小。化柔之驗。

腎生疳 吉

占 寐容揖遜也。有此夢者。諸事皆吉。身榮名著。衣食豐足。但不能安坐。

腎滿大 吉

占 安閑之象。家安人足。子貴僕富。若遊行來往。百事遲遲。不能迅速。

規腎以色 吉

占 規主圓。矩主方。夢人規畫其腎。是身後有定規也。青色為清高大名。白色為財。身為報仇雪恥。金色為剛勇決斷。黃

黑馬田土產業。

晉文公夫人夢神規其腎以墨。口使有晉國。三而

畢。彌之。故各之。示口黑腎。黑腎在位七年。是為

成公。子景公。孫厲公。相繼立。自黑腎至厲公。三世

矣。厲公弒。國人逆周子立之。寔悼公。蓋襄公驕之。

陽腎

夢占

孫也。

腎中生長毛 吉

占 腎有毛長壽徵也。夢生長毛安居恒產之。日 此。腎上無毛後面光循此推之吉凶可見。

〇〇陰谷類

陰毛拂蹠 吉

魏郡範自青州還京夜夢陰毛拂蹠史武進解之曰公泰盛于齊下矣必當重收全產後果應其言。

陰子破囊欲墜地 凶

占 此屬命門為關元。夢此象者命運亡于孫傷妻妾共諸事災危。

見女人陰戶 凶

占 陰口開張。脫露無收之象。夢誰家女子品分高。後知是何人對口相垂掩蔽者無姦。

女子陰變為陽物

貞吉 否凶

占 夢此當思良夫。生男子。長成家業。為女中丈夫。北雜司展之兆。

見母下體

顧琮繫詔獄。當伏法。忽夢見其母下體。愈懼。時有善解者曰。太夫人下體。是足下生路也。重見生路。何吉如之。明日門下侍郎薛稷。素刑失入。竟得免琮。後拜相。

火烘下體 吉

占 富者見之得人。貴者見之得位。貧者見之得衣。病者見之得瘥。

谷道毛垂地 大吉

占 便竅毫長。良田萬頃。夢長而垂地。利亨。倍增之兆。當出貴子賢孫。榮親耀祖。

○○○精血類

精若水晶 大吉

占

精者元陽之真髓液之原陰陽合而成胎胎氣聚而成形身之所自生也隨氣而出而入而血隨之是之不可用用之不可見夢中見之是氣隨神而神有靈靈在肺官肺官為精母精歸腎腎者肺之子狀如水晶旺且固也

滌精而納之

早照與人問關者辛死照歸引夢滌精而納之寢語其弟孟陽曰非有人命乎照以真告孟陽趨往關所俟捕捕者感嘆不語而復

精泄不泄 吉

占

夢泄不泄夢耳火盛而腎煖元關固也必有重勞盡力功成意遂之驗

遺精

占 夜夢遺精火旺氣寒元陽不固欲動而止或夢見
遺精而為疾或入腎腎不留之故夢中瀉白醒後見
遺此并虛白冷腰間遇風而疾
病因之必宜調理不可不慎也

交妬精不洩 凶

占 幹事不成之象夢此者遇而不遇徒勞力而無功
有謀不遂有始無終諸事不吉須防鬼魅之侵虛
火之症

精寒如石 凶

占 困于石。據于蒺藜。入于其宮。不見其妻。凶。陰柔不
中不正。火冷水涸。滋液積聚。不運通達。髓露而為
日 痰痰寒形似石。一事無成之
夢。必須正心清神以解之。

媾精見血 大吉

占 心腹相托之夢。

遍身紅血 大吉

占 朱衣加身之象。無論貴戚素封。貧窮下賤。寒
日 老殘喘。兒童女流。得此夢者。必有皇恩爵祿。

血流遍地

占 此夢占之最難料。只要得知何處到。
日 從外流來得大財。竅中流出非佳兆。

血淋身 吉

占 非主文高武達。
日 交易利子孫吉。

吸人血水 吉

占 狠心之象。
日

膿血汚手足 吉

占 紅錦兮如土黃金兮似土。累及兮體肉相
日 干兮弟兄受汚兮。夢力。月得吉兮。素達。

耳旁流血 凶

占 悲哀哭泣之象。主父母兄弟夫妻子侄六親之內。必凶災死喪之禍。

耳邊有血水 吉

占 有恤典。

乳中有血流出 大吉

占 白化為赤。必有喜事至。

馮京大人王氏。未嫁時。問姆母曰。女夢兩乳出鮮血。覺來乳痛。豈是生病耶。姆答曰。喜事將至矣。有人曰。馮狀元人贊外戚張家。今有悔來。何喜可至。俄京信到。書云。遵母命。雖聖主作伐。決弗就。

頸裏血出

占 富有破財景象。凡事宜潛藏。忍耐不得出頭。自取大咎。

血拌頭髮 凶

占 肝經有

舌尖出血 吉

占 文章進益。口舌消散。

額上出血 凶

占 與人相爭之兆。

溺血

占 溺血。各為赤濁也。夢中見之。當得福也。先主所屬順從。子孫食天之祿。

陰戶流血 吉

占 運來年月好。經營百事通。孕育無災患。姻緣心意。

血汚衣

占 血染衣裳。意氣揚揚。如
日 武人臨陣。不宜夢此。

自吸口中血水 凶

占 泣血積頸。

喉中有血出 吉

占 肝主血。而喉屬肺。夢此為肝肺相和。
日 勞心費用以得大利之徵。有吉無凶。

身坐血汗之中

占 男夢拾財。女夢防產。

見血成河

占 君相夢之。天下大亂。水旱見之。前雪。女
日 子夢之。禮儀禳解。病中見之。立愈矣。

將器皿取人血來家 吉

占 消災延壽之占

破傷無血 大凶

占 無精父有殃。無血母有患。考妣有何憂也。須攻上看。

放血與人

占 血者。性命所關也。放與別人。夢中見之。防財物失脫也。

股上出血 凶

占 有養養之處

遍身膿血出 大吉

占 膿血淋漓。滋榮潤澤之兆。夢此者。功名大吉。營謀大利。如夢兒女如此者。主易長。易大。若有爭訟之

曰

幾者夢之凶。

被人刺取血去 大凶

曰

財物被劫之兆。

大腸崩血 吉

曰

腸中寬暢。災退患除。

含血噴人

曰

壯士正道。作事盡力之兆。

吮血

曰

相知見許立言。見名大吉之兆。

吐血 吉

夢林玄解

卷之九

精血

天

夢占

占 立業成家

汗氣類

渾身流汗 大吉

占 渾汗其大號所謂渾小儲而成大儲災禍無干病愈

汗污衣 大吉

占 體膚汗出熱病消除

李世民裴某同卧帳中李曰夢不祥如之何吾夢雨人渡河河涸捨舟疾走汗出污袍裴解曰所志遂矣二人天字河無水可字天可汗庫王號所志必遂裴記藏書

汗流地下 凶

占 地土散失之兆如歲大旱夢之有悔

汗如珠 凶

占 夢此。事不成。禍不解。訟被刑。病難愈。

汗如雨 吉

占 市廛熱鬧之象。

汗乾 大吉

占 身衣華袍。

氣息如雷霆 大吉

占 威振華夷之兆。人身象天地。乾為首。坤為腹。坎為耳。艮為鼻。震艮相聯。氣在鼻息。耳聽聞聲。夢此者。神居玉池之上。十二重樓之下。在裏而不出。氣盛如雲。故寐。噫。如雷鳴。而同處室中者。不聞其聲也。夫如是。聰明睿智。剛健中正。德章四海。位極人臣。壽餘十二紀。福及九世孫。

氣從鼻口出如烟霞 吉

占 丹田氣盛故有此夢。

氣昏黑暗 凶

兩朱榮夢行日宮氣暗昏黑如燈照影次日被禍

氣從玉莖出 吉

占 元極陽明。幹旋天根。大陰之精。入泉源而上升。朝于黃庭。游于玉京。嬰兒姪女。由南園而過大津。三尸却。五鬼寧。于是乎夢繞金莖。

氣如火光 吉

占 重明以麗乎正。乃他成。天下又日黃離元吉。

氣如虹霓

耶律丞相抱妾晝寢夢體有氣燻烝貫目狀如虹
霓雲霞滿天覺問太醫醫不敢言哈喇稱慶醫出
語人曰無藥治之矣小便流血而逝

喘息不定

占 心不寧故夢之

喘

貞吉
否凶

占 夢喘非真病應驗在勞形遠行涉險急速重
占 承一時不及所係非輕更有好兆得美聲名

呼吸如風

占 風屬木木在肝肝主呼吸肺主吸其氣如
占 風者金木皆旺而元精不能包藏之也

如鬼噓吁

占 肺氣不足也

無息 大吉

占 太極靜而生陰。陰固而無聲。其氣清且寧。此夢主元神。元神旺。可長生。

○○○膀胱類

膀胱如江海 吉

占 腎水有餘。羣陰充足。江流滾滾。曰 海脉洋洋。水火既濟。康健吉祥。

膀胱如雞子 凶

占 陰水聚結之象。夢曰 之主病患將作。

○○○魂魄類

魂飛上九霄 吉

各揚壽永之兆。此中齡血氣未定。情竇未開。元神不動。而夢多。故有夢魂搖撼之

占曰

象。魂者本來面目。氣運而相合。脉血和調。若暑寒太過。不及。飲食稍訛。其理則氣不連合而恙生焉。陽清氣順。則上昇乎乾元。其生也智。其身後也靈。陰濁氣逆。腦受其弊。前呵後吸。不及丹田。三焦受其殃。元神降乎地。而為鬼。其智不及。其壽不長。若夫情欲散亂。惟甘旨是好。餐餐劇飲。目視妖麗。耳聽嬌淫。于是邪魔襟跼。三尸台五鬼厲。而禍及六根矣。故夢中見魂飛。歸於之常態。當教之以正。勿藥有喜。妻老之虛驚。當調之以安。勿勞無恙。韓忠獻公。幼次子琮七歲時。延師習學。一日問門。琮夜夢登靈壽山。見魂飛直上天門。師曰。魂是何物。汝何見知。琮曰。魂從頭飛出。及入。寤省。不知在那裏。

魂西北行 凶

占曰

火上升。水下降。魂在中。離合不和。故有此夢。

魂呼魄 吉

占 肺氣動也。

魂如蛇魄如猴

占 心亂氣浮之象。

魂魄相打 貞吉

占 主陰陽不和而無咎。

○○○尿糞類

尿流至 吉

占 貧窮有此夢。必得無意之財。富貴有此夢。必得分外之物。疾病有此夢。必得救難之資。

向人撒尿 大吉

占 兆主心寬運通。夢者有惡即解。有禍忽消。有惡即除。有懼便散。

解上溺尿 吉

占 出行遠方之象。夢此者，主有事遠行，或有遠方人往來。若途中夢之，須防風水。

撒尿滿口 吉

占 水火巡環之兆。

身上有尿濕 吉

占 冤釋災消也。

撒尿于碗中 吉

占 解急之象。夢此者，緩急存濟，疾病有人扶持，病危不死，佳兆也。

連連撒溺

占 其象夜卧不安，心中有急事，情欲不遂者之夢。

小解不出

占 夜氣不和，故有此夢。
曰 或主急欲小解也。

屎尿污身 大吉

占 貴者夢之增祿，富者夢之加息，生意夢之獲利，訟事夢之不吉，病人夢之又當別占。

臭糞污衣飾 大吉

夢之有驗也。諸友訊之。京曰：昨遊湖上，飲醉歸，隱几而卧，夢入僧舍，內外無人，倚牀而溺，地有惡臭，因旋視之，污累衣裳，今日見此，寔如夢中。幸不污耳。明日可喜，可賀。君當受廩資，不亦樂乎？僧舍無人，是增一口衣沾牀下，是亦庠序得米也。非受廩而何果驗。

拈糞回家

占 大得貨財，便成恒產。

人與糞 吉

占 糞雖污穢之物，沙土得之而壯，種植得之而華。出
于人腹，施于五穀，夢兆者，凡方便使用，滿目與人
曰 者不

掃除尿糞 大凶

占 尿者，戶內水。糞者，共田米。掃者，婦無所歸也。若夢
掃除舍宇，因為吉祥。所除非塵埃，而去水米，將何
曰 以供膳乎？此喪家之
兆，急宜脩省解禳。

糞中行畏惡 吉

占 夢此者，主使用得宜也。
曰 千金萬貫，都在阿堵。

糞虫 吉

占 生意之人。活潑潑地。

糞中坐

占 夢者。多所受累。到底難行。若
日 夢中坐起。則後來有好事至。

糞土堆積 吉

占 積玉堆金

糞汗解

占 積粟壞棚之兆。若干絕糧困乏
日 之際。夢見之。必有人周濟大吉。

釜中有糞土 凶

占 破釜之象。其夢此而後也。反得
日 財利者。必降神亡家。不可不慎。

扇屎碗內 凶

占 夢此者將缺食餓死必宜
日 改過自新以祈天神救助

廁出屎屋 凶

占 內空虛外汗穢
日 費用不詳之兆

大便滿地 吉

占 得見便宜
日

大便在灶下 凶

占 燥妄異常惡惡責背之兆家中有厨灶所以其口
日 食井厠不相見豈可容屎糞乎夢此者家事漸敗
日 地土將壞是非爭執日用不給何法以生財

失大小便 凶

占 外貨難存已
日 財散失之夢

聞屁人笑 大吉

占 屁者。譬也。一語。駢人為人所信。

忍屁出汗 凶

占 養生之道。莫良于夜。氣夜氣。不足以存。其將有所不遂乎。

屁臭 吉

占 將有生意。

蛆滿身 凶

占 主財費病深。貴人主萬民擁戴之兆。

夢林玄解卷之九 終

夢林玄解卷之十

夢占

政事部一

科第

官解

壽算

○○○科第

考試

夢應拔卜形求者此夢兆于君子為朝野精神感
 通拾取顯揚通泰之應匪德之人或夢兆此主大
 凶事也○夢應賢良方正科應此兆者盛德之祥
 登庸之象文士得此主司召姓有漢劉之字者必
 有遇合投契之占老病者夢此非祥○夢應弘辭
 詩賦科詳其題是命何辭何詩何賦文士可以此
 推題言○夢應唐姓之人平人夢之主才藝精通
 歌清妙○夢應制策試詳是何題文人叶吉平人
 占訟事武人中式少年不事詩書者兆克刀筆為吏
 也臨場防題目前兆大宜細推○夢應會試主登

第之兆。夢應廷試。主鼎甲之祥。如本非文士。為身
投羅網。此非佳占。○夢應舉子試。臨試者應近。平
日者應遠。呈卷見收者吉。不收者凶。平人或應于
子弟。否則身入科條。訟獄之象。○夢應生童試。讀
書者。收取無阻。則吉。不收有阻者。不吉。平人非學
者。主身有受困之事。小口欠寧。獄禁易釋也。○夢
入監考試者。文人中舉。平人
入獄。凡事拘留不釋之象。

報中

神

言人告

占

夢此者。不論人神。凡預有稱告報語者。言中者吉。
言否者凶。遠近有期。皆為大吉之兆。須詳其語意。
隨變而占。固有直應。亦有曲通。宜細測。匪惟如非
文士。必兆于子弟也。或寄夢他人者。尤有靈驗。亦
有虛夢者。或因特夢不修。或
以夢輕泄。故吉轉為凶耳。
唐鍾離介寓長安。夢二女揖之曰。吾家孟溪君。今
中第。尹吾邑矣。已而果如其言。介既至。他居求其
跡。廟而祀之。
名曰慈感。

馬淵既赴御試。夢人告之曰。子欲及第。須作十三魁。淵歷數其在太學。及預薦送。止作十二魁。心甚憂之。意疑復黜落也。遂

賜第。魁天下。果十三魁。都陽士人黃瀛。宣和間。在太學。負俊聲。屢夢人言。黃狀元。因自待不淺。時與交友言之。然每入舉場。輒不偶。紹興八年。以免舉赴省試。而黃公度魁多士。瀛始悟。歎曰。二十年夢黃狀元。今乃為他人所奪。快快而歸。久之。僅

得持奏名。攝官而卒。

宋胡仲微。赴癸酉秋試。寓于城隍廟巷。民家樓上有富家子。應舉。欲胡為助。許以錢三百千。胡謝之曰。吾固甚貧。然學有限。所謂自照一身。猶未光也。何暇及他人乎。富家子去。期以明旦再造。仲微以厚餌。意亦未決。夜夢黃衣卒登樓報榜。胡詢已之得失。卒曰。止為公姓名在榜。所以來報。辛既下樓。復還。白曰。秀才。解各雖定。更須莫管閑事。乃可。胡矍然而寤。思晝之所囑。力却之。果預薦。張翮。未第時。嘗夢人謂曰。汝登第。在狀元前。覺而思之。世豈有科名先狀元者。吾殆無此望矣。及丁

未會試。名在十五。錄山費宏。名在十六。是
 科宏狀元及第。計得夢時。宏尚未生也。
 呂情性至孝。方會試。聞喪。痛哭。草履奔至家。途
 中夢有人報來。科狀元。後果驗。官至少宗伯。
 松江錢中。子名福。生數歲矣。夢三女來。謂曰。汝子
 科第。當與蘇州吳寬同。因至蘇訪吳寬。吳時尚困
 庠舍。然人皆稱其德。優學博。乃曰。吾兒便不得科
 第。得名齊吳君足矣。及吳狀元及第。而福亦以狀
 元發跡。

看榜

占日

夢此者。不論自見。及他人見。有名者。聲名大吉。無
 名者。名譽消落。或非已名。宜更名以應之。或夢在
 某人榜。則以其人中式。方得有應。或兆于幾年之
 前。或兆于遠年之後。或兆于其父之間。或兆于其
 人未生之時。或兆于其大祿
 死之年。象各不同。占難拘一
 杜居寔。夢川中放省榜。三十四名。而居寔與其數
 覺而怪曰。省榜不下三百人。且當在京師。不在川

蜀遂不能曉。至建炎初，朝廷以險阻分路，

有試蜀果中三十四名，而居是果與焉。

楊徽之任江西觀察使，其子勣隨任江西。應舉時，

徽之夢新榜四十進士，歷歷可數，寓目及半，其子

在焉，其鄰則姓濮陽，而名不可別。既寤，訪于詞場，

則云有濮陽恩者，聞人，能文有譽。一日，楊祖客瀾

上，居于逆旅，有自閩來者，試詢之，乃貢士也，問其

姓，曰濮陽，審其名曰恩，閱其大府，字清朗，詞氣安

詳，問所寓，則曰：今將微居，楊令盡驅其行李，置于

庠序，命勣與朝夕同處。是冬，大解濮陽，藝學于公

卿間，人情翕然，得弟必矣。而濮陽一夕暴卒，楊惋

痛嗟，駭力為營，得尸，介閩間，仍謂其子曰：我夢無

徵，汝之一名，亦不可保。明年其子及第，而同年竟

無濮陽者。夏首，將闢送于吏部，時宰相有言：前輩

重族望，輕官職，是歲慈恩寺題名，咸以族望題畢，

楊間步塔下，仰視之，曰：弘農楊載，濮陽吳當，恠然

如夢中。

所視云。

陳正居國子監，候紹興壬子試，夜夢登一大堂，掛

黃榜於梁間，問之人云：此明春榜也。正欲觀之，

風飄飄不定彷彿但見已名及宜與惠純夫耳迨明年試後路遇宜興報捷人因問云貴縣有誰其人附耳語以純夫正大

喜躍未幾捷音果至

孫夢得初名即字道卿嘗語人曰某舉進士過長安夢登塔見持一大文卷者問之云來年春榜索而視之不可問其間有孫贊否曰無惟第三人有孫朴既寤遂改各州字夢得明年果得第三人有王翹奉新人夢與劉鑄至江西省署見開鄉貢進士榜諦視之高懸朱牌十枚上書金字日光炫耀不可讀忽一隸卒曰第一名南昌熊誼汝第六也呼鑄曰爾名亦在後載寤與人言皆笑之後八年洪武庚戌始設科江西四十名額南昌占其十正符朱牌之數熊誼第一執名第六鑄名第十九廷試載名亦第六

少傅余有丁嘗夢登柱正榜進士既第以爲夢不驗矣及榜首申公入須袍笏其典之曰內臣柱正也。是夢亦巧矣哉。

取中

于觀文入試。夢人以軸文與之曰：此春榜也。可收之。既覺，自解曰：今我收榜，吾其瑣榜乎？放榜果然。顧社夢其弟福中榜，名上朱污，以語福。及福自觀榜，名乃在湖縫紺印處，為朱泚焉。後福官至參政。

占

夢中元魁科甲。及取科舉進庠貢監之事，兆主利於文人，應有遠近，不中不取者，不吉。如平常之人，或驗于子孫兄弟，否則事有別占。反為非吉也。老病之人，大為凶兆，其在文士，即非考試之年，亦有奇象，宜細詳之。

永嘉林溫，生於延祐丁巳八月八日，至三歲，名榮祖。又十二歲，更名溫。又十歲，當至正壬午，以春秋經試江浙鄉闈第一。董葵第四，董朝宗第五。朱公遷第二十八。溫授奉化別學正。丁亥之官，會董葵亦為慶元學正。葵曰：吾大父曾得奇夢，記諸籍云：丁巳年九月七日，夜夢林溫作魁，朱姓人鎖榜。第四第五人姓董，其最異者，溫之生，甫一月耳。

唱名

占 夢唱有名者大吉無名者為凶詳是第幾名又屬何地則知名第高下利甲分明矣如非讀書之士及老病之人

則為不祥

劉悅初名濤宿梓潼祠下夢與舉子數百聽唱名于集賢殿有一衛士來曰公第三人也及第問曰劉濤耶衛士曰非也劉悅也驚覺至元祐間詔書若與上書邪人同姓名者聽改名時有彰信軍進士劉濤例因改名乃憶昔夢改名時有彰信軍進士濤為悅果中蔡嶷榜第三人

遊宴

占 夢遊筵列宴者身在前行上坐大貴在後乘下席小吉如非應舉者則主門有喜慶榮利倍常

樂迎

占 夢見人鼓樂迎已者兆主鼎甲見鼓樂迎他人者主其人富貴大為奇貴之占如兆于平人之夢主

日

應及子孫非有盛德不足當之。

宋馮京父式商也。入粟拜官。壯年無子。將如京師。其妻金氏。授以白金數笏。今至京置妾。及至都下。買一妾。立契償金矣。問妾所自來。涕泣不肯言。固問之。乃言其父為官。因綱運欠折。鬻妾以償。式惻然。即遣還其父。不索金。及歸。妻問買妾安在。具告以故。妻曰。君用心如此。何患無子。居數月。妻有娠。將誕。里中人夢鼓吹喧闐迎狀元。京乃生。

集錄

日占

夢集上錄上。有名者。必主得第。無名者。不吉。名不合者。宜改名。以應其祥。然不可妄貪。須苦志力學。方吉也。夢見他人名者。其人吉。夢他人見己名者。應尤靈。

宋孫洪與同舍生游太學。生得家書。秘不示洪。洪詰之不已。出書示之。書云。昨夜夢至一官府。若閻登科集。汝與孫洪皆列名籍中。其孫洪名下有朱字。云于某年不合。與人寫離婚書。上天譴之。不得。

過省洪惺然生曰公果有此事否洪曰有之及就
試生果中高第而洪不得選登生西歸為尋夫婦
合其已離明
年洪始釋褐
成化丁酉鄉試畢吏科王給事夢人送鄉試錄二
冊王取觀之見上一冊第二葉內有沈希遠名又
展下一冊亦見第二葉內有蔣法名再欲檢閱其
人不從遂寤詰旦洵造王王為言之及放榜沈中
第二十五名錄上第二葉內也後庚子科蔣中第
十九名亦在錄中第二葉內乃知上下二冊者二
科試
錄也

牌扁

占

夢牌扁之上是元是魁必有奇應不在本身則在
子孫且其中借兆轉應幾甚靈幻凡夢皆然而此
為尤甚占者宜細測而推大抵夢得
此兆者即不應于已而事無不吉矣
宋徐鑑夫勿夢家有狀元扁中釘以
丁偶夫狀元及第後與大不合

旌杆

初崑山張安甫在祁州。嘗夢得一狀元牌匾。明日偶因公事。出至橋上。適見一木浮水。面問居民。皆不知所自。就令人作牌匾。自書明倫堂三字。寄歸崑山學中。以寓期祝之意。乙卯秋。恭請朱希周。夢取此牌匾。回家以為鄉貢之兆。已而果得狀元云。

黃公度。都人王氏。夢其居掛金書榜曰。狀元坊。自請于孫。必應兆。每誇語於里閭。久而益會。所居歸於黃氏。不數日。

公度提書到。

張元。住居羅萬化同里。對戶。劉旣大魁天下。張尚末第。一夕。夢移其扁於家。及廷試。果以狀元及第云。

占

凡夢此者。有吉無凶。嘗有一富翁子。入太學。應試。忽夢門首樹旌杆八枝。時鄰家貧士。寄居入試。亦夢揚旌于其門外。及掛榜。其子下第。而貧士魁甲。明年富家子以天書被譴。乃納之求教。樹旌八枝。

宛如夢云。

簡籤

占曰

凡夢簡籤籤牌上有名字或見于自
夢或夢于他人皆主其人貴顯之徵
商輕應浙江乙卯鄉試與松夢同舟
方簡一片至舟連呼解元者二簡上有商輕二字
楚問曰我中否其吏轉過簡後示之又
有姚夢二字是科商第一戊午姚第一
書曰汝脫下第毋南歸宜入監讀書丙午還家
詢之曰伯父何以知宏之非第而必令入北監也
瑜笑曰此爾遠到之文也吾嘗夢汝入監領班籤
籤乃彭文憲故物也文憲嘗遊北監中狀
元矣汝勉之至成化丁未果狀元乃第

封記

占

夢自書封條票紀是某科甲官職者必主異日榮
達夢他人將某科甲官職封條票記來至者必主

曰 指日富貴。如平常之人。夢人將封。然
系記。來封其家戶什物者。又為不祥。
羅萬化赴會試。至杭州北新關。忽夢一老人。白衣
青巾。從浮橋下舟。揭舟上會試。封條。易以第一甲。
第一名。及廷試。夢果驗云。

主司見夢

占 凡士人策達。多見夢於主司。其兆不可預擬。其占
不可先定。其夢亦不見于其人。但天機畧露。使主
文者。不得不收。不至埋沒其人耳。
曰 此關文士升沉。不係主司得失也。
李昉與王華同鄉。試考官取華為解首。監臨謝御
史。嫌華白衣。乃更李。主文者。夢中得一舉中雙元
之句。後王華辛丑狀元。李
昉丙辰狀元。果符夢云。

店主見夢

占 夢見于店主者。乃其人之精氣感于天。以指點英
雄。洩露其幾。壯其人之膽。使之自信。堅自符。且
夢占

曰

使他人禮敬。少濟其窮途旅邸之恆也。但應有先後不同。

孫賢赴會試。途中投客店。主人兵飲食。致敬于孫。孫疑其家有他會。問之。主人云。昨夜夢狀元至我家。今日必應此夢矣。是科下第歸。來科果及第。

秀才舉子諸類

占

曰

凡夢中見是秀才舉子魁解。來有求乞者。或主其名。非是其人。有他物托靈。宜以別應占之。不以本人詳事。太象以仁心待之。則吉。

楊吳之尅豫章也。中書舍人徐善與妹爲一軍校所虜。既定。軍校請以禮聘之。善自以宦族。不當與戎士爲婚。固不許。技乃強納幣。竟奪之而去。善即詣楊都求見楊渥而訴之。時渥初開藩服。府廷甚嚴。僭擬王者。布衣游上。句歲不得一見。而善始至白沙。渥夜夢人來言曰。江南有秀才徐善。將來見公。今在白沙逆旅矣。其人良士也。且有情事。公可厚遇之。旦卽遣騎迎之。既至。禮遇甚厚。且問所欲。

言善具白其殊事。即命贖歸時欽州刺史陶雅聞而異之。因辟為從事。金陵有三大石甚古。吳仲康作守曰。夜夢三舉子求哀。且曰。若不垂祐。明日當為煨燼矣。吳甚異之。詰旦。徧問僚屬。莫能原其意。既而視其牒。見兵馬司狀中。乞燒三醜石為灰。供修造之用。吳遂悟。勸寺僧愛護。元祐中。毛漸作漬。欲移置解舍。掘之既深。而石根不斷。

賀人科第

人來賀

占

夢賀人登科登第者。兆主其人貴顯。夢人賀已登科登第者。兆主自身榮達。不論小大。凡賀人者。已夫色人賀者。已增光。若非文士。不應子弟反有憂事來臨耳。

淳熙間。趙溫叔丞相。嘗力薦郭明復。劉光祖。楊輔之。謂皆省殿試前列。且云。大好士人。壽皇宣諭云。朝廷用人。皆以才。安論科第。科第不過入仕一途耳。溫叔唯唯而退。越日。御製科舉論其畧。謂近世取士。莫若科場。及至用人。豈當拘此詩賦經義學者。皆為得之。又何足分輕重乎。夫科場之弊。于文

格高下。但以分數取之。真幸與不幸耳。至于庭試未嘗有黜落者。盡以官資命之。才與不才者混矣。是科場取士之弊。在乎人君擇相之不審。至于懷姦私。壞紀綱。亂法度。及敗而逐之。不治之事。已不勝言矣。宰相不能擇人。每差一官。則曰。此人中商第。真佳士也。終不參其才行如何。孔聖之門。猶分四科。人才兼全者。自古爲難。夫監司郡守。係民之休戚。今以資格傳之。丞相鐔擇其一。二。又未能皆得其人。及至陞對。既無過人之善。粗無凡猥之容。則又才能極精。共選國朝以來。過于忠厚。宰相而誤國者。大將而害眾者。皆未嘗誤矣。之。雖三代得天下。以仁而啓誓。六師曰。不用命。戮于社。義和廢厥職。猶征之曰。以于先王之誅。况掌邦邑軍師之大事乎。其要在人君。必審擇相。相爲官擇人。不失其所長。懋賞立乎前。嚴誅設于後。人才不出。吾不信也。朕延一二柄臣。皆能清白一心。盡忠無隱。且勉乎此。更勤夙夜。以懋庶績。豈不休哉。勅宣示溫叔。色變。上曰。不謂卿等對曰。迅雷風烈。雖不爲孔子。而孔子色變者。畏天怒也。由此言之。科第關乎民社。係于君臣。大詎小端。形于夢寤。可不慎之。

〇〇〇官祿

爲官居位

占曰

夢身爲陽世之官。居陽世之位。主身榮名達異日。必應佳祥。占爲上吉。如夢居官位。而人世無此官。此吉中伏凶。非喜事也。

王播登第後。夢爲河南尹。視事。有二客至。東西坐。東者曰。崙。邦如何處置。西者曰。已科決。遞出界。竟而書於詰牒。後別紙上。後二十年。果除河南尹。既至三日。洛陽令與分司郎官偕至。問答一如所夢。蓋郎官奴竊物而逃。送邑。邑判如此。播命取官誥。後所志驗之。相與歎異云。

鄭處誨登進士。累遷工部侍郎。時族父朗爲定州節度使。處誨因早朝。假寐於待漏院。忽夢已爲黃土。實從皆所識。明年。朗果自定州鎮宣武。辟重掌書記。重將行。處誨告以所夢。明年。處誨轉刑部侍郎。其年秋。授浙東觀察。便行及潼關。朗遣從

事迎勞。仍致手書。令先疏所夢。比至汴。宴於清暑亭。賓佐悉符夢中。朗仰視屋棟曰。此亦黃土也。四座感歎。處諫明。相繼卒。

見人爲官居位

占曰

夢此者。兆主其人顯達。或老病者。則主其人不祿。凡入夢之。爲遇貴達亨之占。宜詳是何官位。以决枯榮。

選除官職

占曰

夢之者。貴人主得祿。選官。平人主獲財。得子。宜詳是何官位。必有佳徵。老人受職位者。病至。已病者不祥。

陳世祖薈嘗夢章昭達升于台鉗。及旦。以夢告之。後以功授鎮前將軍。開府儀同三司。一日侍宴。世祖顧昭達曰。卿憶夢否。何以饋夢。昭達對曰。當効犬馬之用。以盡臣節。自餘無以奉償。

元于文傳方成進士夢入選掛名爲長吳正官而笑曰我吳人安得作長吳二縣正官必無此初受官階承事郎昌國州同知益笑前夢之不改也次當改選乃授平江路長洲縣尹無何改知烏程轉婺源州知州自以爲前任長洲偶與妻耳今已升知州安得再爲吳縣正官既而調吳江州知州亦長

吳正官也

劉璽嘗夢貴人若吏部尚書者補璽爲交州典令。審而密書記之。未幾卒。後旬餘其家切女見聲似璽云。我被用爲典俊。縣令得報暫來。候辭別云。

潘玠與趙自勤同選俱送名上堂。而官久不出。云已作夢。官欲出矣。夢玠與自勤同謝官。玠在前。行自勤在後。及謝處。玠在東。自勤在西。相視而笑。後三日。官出。果玠爲御史。自勤爲拾遺。同日謝。引玠在前。先行。自勤在後。入朝。則玠于東立。自勤於西立。兩人遂相視而笑。如其夢焉。羅彥國累試不第。祈夢於梓潼神。夢神謂曰。已除君桓密直學士矣。明年彥國復下第。投牒乞進舉。

推恩、授密州文學。
蓋密學之應也。

官職簿籍

占曰

夢見簿上有名者。士人吉。平人不祥。見他人有名者。主其入官。任將臨。如官位非人間之職。則又凶。憂之象。

劉守光爲燕王。有尼出入其母所。張殷袞托尼。呈一文學。不得。一夕。殷袞夢入衙署。乃潛升廳事。見案上大簿云。職官姓名。乃檢河北道。見守光及文武職掌。其不有名。便提筆自書。文學張殷袞。但令卒墨色頗淡。卽驚覺。因識之。論語策後。翌早。守光遣人齎一牒。與殷袞。卽文學。守光曰。我爲尼數言不與。今何忽與之。守光曰。兒昨夢衣吏來言。張殷袞已注下爲文學。訖。故與之也。殷袞得牒。視姓名。墨色果淡。晉天福中。其子希永嘗出父論語後所記示人云。

賣官買職

求官

夢賣官爵與人。或賣他人之位。則主其人富貴。所賣之官。係是冥司職守。則主其人不祥。或賣其身之位。則本身失祿。如所賣者非人間官職。則延年享福之兆也。○夢與人買官爵。或不應得官之人。詳所買是何官職。則陽福之至。與陰禍之除。瞭然可推矣。或本當得官之人。詳買何人之官。何官之爵。則吉占可決。若官爵非人世職地。大非嘉祥。

占曰

夢求官者。老病之人。大為不祥。平常之人。主即官爭訟。文士夢之。求而得者吉。求而不得者凶。○夢于求于人者。主恩澤至。○夢人來于求者。主權位尊。○夢薦舉他人者。主身失勢。○夢他人薦已者。主名位起。

王汾作館職。忤王安石。乞外任。不許。夜夢人告之曰。子欲得郡。須求元公。時元厚之為秦政。汾往求之。厚之曰。介甫意思。不蛇順。未可議也。然介甫屢爭事不合。恐旦夕出矣。姑俟之。未幾。安石果出知

金陵汾竟得兖州厚之之言
既驗而充字亦合元公也

賜官爵

占
曰

夢天賜者德之報夢神賜者福之徵德福所兆大吉之占或賜其人或賜其子孫各有奇應君子當焉非尋常之兆也

秦主苻健之入關也夢天神遣使者朱衣赤冠命拜苻堅為龍驤將軍健翌日為壇于曲沃以授之健泣為堅曰汝祖昔受此號今

汝復為神明所命可不勉之宣和中方臘犯諸縣其士人黃汝楫以財物一萬緡贖賊所掠士女千人夜夢神告曰上帝以汝活

人多賜五子月第其後子開闢閭閻門閭皆登第焉

稱報官爵

夢人云是官或云得官者大吉有貴人至凡夢人稱某官人報某官及神鬼稱報皆常隨所稱報是

占曰

何官職或應人間爵祿或應陰府職司見兆各有不同意義自然各別占者定須隨人隨地隨其姓氏名目爵祿等級而準測之必有奇驗至若所見奇詭所應靈幻又非占驗家所盡述耳張光晟家甚微而有才用性落曉書酒壯年爲潼關卒屢被主將鞭笞因奉役至華州盛暑驅馳心不能平過嶽祠遂脫衣買酒致奠金大王朗言曰張光晟身負才器未遇知己富貴貧賤不能自杜惟神聰鑒當賜誠告禱訖因飲大醉晝寢于碑堂忽夢傳聲云張光晟迫蹙甚急即入一府署嚴遠異常導者云張光晟到拜跪訖遂見當廳貴人有如王者謂之曰欲知官祿但光晟拜相則天下太平言訖驚寤治汗後積勞官至司農卿及建中德宗西狩光晟爲朱泚所虜奉迎甚力每有戰常在兵出戰大敗而還天下遂太平方寤神告云瀋公文彥博少時從其父赴蜀州幕官過成都入江濱助觀畫壁官接之甚勤且言夜夢神令灑掃同庭明日有宰相來公豈異日之宰相乎路公笑曰宰相非所望若爲成都當令廟室一新慶曆中

路公以樞密直知益州。謁廟。方經營改造。江中忽添大木數千。蔽流而下。取以爲材。廟成。壯甲天下。信乎事有前定。而鬼神能窺其機也。

梅詢坐議天書。出知濠州。夢人告曰。呂丞相至矣。既而呂夷簡通判州事。待之甚厚。其後授之廢斥。中登貴顯。皆夷簡力焉。

張文懿爲社令時。出城遇村寺。老僧出迎。邂逅遇之。亦必出。文懿怪而詰之。僧曰。夜夢山神告某相公至矣。一日復往。而僧不出。文懿曰。不出何也。僧謝曰。神不我告也。文懿以爲誕。使僧問其所以。夜夢告曰。長官誤斷殺牛事。天符已下。不復煩矣。文懿驚駭。省之。果嘗有殺牛事。遂復改之。明日過寺。僧復出曰。昨夕山神言長官復爲相。明日當來。但減算耳。後果入中書。余靖嘗夢神人告以官止工部尚書而死。秦亭後至是官。常畏過秦。及安撫廣西代歸時。年已六十。五途卒。其處則江寧府秦淮亭也。

馮京少孤。寓武昌。縱飲不羈。一夕醉臥郊外。漢邊有漁者。罷漁。艤舟而寢。有人叱之曰。馮侍郎在此。安得不避。漁者驚起登舫。見一人衣冠。熟寢草間。詢之。知爲馮也。因請卧舟中。以避風露。具以夢告。且曰。秀才他日貴顯。幸無忘馮。睡至曉。共載入郡。其後馮貴。使訪漁舟。不復見。王蜀時有朱姓者。食賤客于成都。因寢旅舍。夢中有人扣扉。覓朱少卿。其聲甚厲。驚覺訪之。寂無影。嘗復睡。夢中又連呼之。俄見一人。手中執一卷云。少卿果在此。朱曰。我雖姓朱。非少卿。其人遂卷文書兩頭。只留一行。以手遽上下示之。果有朱少卿三字。後蜀王開國。有親知引薦。累至司農少卿。華松家本孤微。其母夜夢兩人夾門。言司隸在此。松後果爲司隸。高元裕於太和三年。任司勳員外郎。寓宿南宮。畫夢有人告曰。十年作襄刺史。既寢。私異之。因援毫以還。語記于廳之東楹。掩映處曰。大三寢裏刺十年。泊開成三年。爲御史中丞。遂謂夢固虛耳。是後出入中外。數歷貴位。至大中二年。由天官尚書。授鉞漢南。自題記後。屏署補葺。亦屢矣。且謂楹上字。

夢

官

祿

三

夢

無復存也。及與好奇士同往觀之。則毫翰煥然。獨存。高因屈指以今之年。加曩之十。乃二十年矣。浦城李景韓謁城隍廟求子。夢人謂曰。大王與汝余都主簿。因而生男。遂名之曰夢祥。弱冠登第。任余都主簿。到官謁城隍神廟。見有一判官倒干塔下。從者見其貌似夢祥。為言之。夢祥問廟祝。此判官倒幾年。云。已經二十六年。時夢祥年正二十六。慨然曰。殆我也。倩工妝塑。工畢而夢祥卒。拜見貴人。

貴人入家

占

凡夢官吏入門。富貴大吉。夢欲見貴人。官吏而不得者。凶。得見者。貴。夢相對貴人。親近者。吉利。拜謁貴人者。主有扶持之力。事無不吉也。宋江。瑋鄉稱善人。其鄰史知縣者。夸其能杖笞才士。瑋俛首不答。歸語其子燭曰。史固寒士。今居官以杖士人。即喜。史氏且不昌。汝其戒之。是夕。燋妻陳氏夢一貴人入其家。曰。以汝家長有善言。故來已。而有娠。生萬里。為宋相。家居死節。列忠義傳云。

上任去官復任。

占

夢上官者大吉。主財物至。有阻碍不祥。夢去官者。凶。有阻碍則吉。平人夢去官。兆主失財。老病者夢之。主延命。夢復任者。

日

事皆亨泰。重整規模。蜀葉逢。夢乘船赴任。江上候吏。旁午迎入石窟。忽報勅下。授水部檢校員外郎。後覆舟於健為郡。青衣灘而死。

封贈。庶襲代職。

占

夢封公侯者。貴人吉。平人凶。夢封官職者。主子孫大貴。夢贈官爵者。贈自身吉。贈父母。主父母有凶災。夢庶及子孫者。貴人吉。平人主小口有災。夢自襲先人官爵者。無不吉利。各宜詳其來歷。非可拘一而占也。夢身為封君者。子秀則吉。子不肖。主其子有刑。夢身為公子者。父貴則貴。父富則富。父凶則凶。夢代他人官職者。惟是何人。又是何官。彼吉則無不吉。彼殃則無不殃。或為陽職。或為陰司。各

有兆。詳測自明。難以預論耳。

官誥文憑符勅

占曰

夢得官誥者貴。失官誥者凶。有文憑者榮。無文憑者辱。人授官符貴子。失官符者兒亡。亦須詳其文誥。有升有降。有陽有陰。是何品級。是何制勅。吉凶可知。

江南大理司直刑陶夢人告云。君當為涇州刺史。既而為宣州涇縣令。考滿復夢其人告云。宣州縣官人來春皆替。而君官誥不到。邪甚惡之。至明年春。罷歸。有薦邪為水部員外郎。膝下而所司失去。復請二十餘日。竟未拜而卒。

戴胄素與沈裕善。胄以唐貞觀七年死。至八年八月。裕在州。夢胄衣弊衣。容顏見裕。悲喜。裕問公生平修福。今者何為。答曰。吾昔誤殺一人。吾死後。他人殺羊祭我。由此二事。辨答辛苦。不可具言。吾平生與君友善。竟不能進君官位。深恨于懷。君今日得五品文書。三遷。天恩。文以相報。言畢而寤。九年春。

補將歸江南行至徐州奉詔
書授裕五品爲婺州治中

牌書官爵

占 夢此者詳其何名名有玄應詳其何
官官有變通大要吉占但宜圓測

神宗嘗夢入大第有楹牌以金填字曰宰相項安
節寤而求之乃太學生也慈聖解之曰項安節即

吳克也頸
有瘤焉

吳員外瑞初登第其同年吳洪夢瑞牙牌上刻吏
部都水司初不解後瑞選南京吏部考功主事竟

轉工部都水司
員外始驗夢云

賀人得官赴任 人來賀

占 夢賀人者其人昌來賀者本身
吉如老人及病者彼此非祥

迎送官府

俸祿

占 迎吉人者吉。迎凶人者凶。送凶人者吉。送吉人者凶。如身係官府。爲人迎者。主陞遷。爲人送者。主落職。又有冥司相迎。宜細詳之。

賜祿支俸

俸祿者。人主恩榮資育之物。形于夢寐。必主生人食祿多寡之數。又俸爲人奉祿。爲衣盛。當主得服飾器血之占。貴人夢此。則主君惠。平人夢此。則主天數。吉益者。吉損者。妖其例甚變。善占者察焉。

占

夢賜祿者。兆主福吉。告損者妖。其例甚變。占者詳得多。則福壽並添。得少。則福分不永。○獵者夢之。賜爲四祿。爲鹿。當得四鹿之應。○平人夢之。支數十二。當有十二人相敬之占。張輓自奉天尉將調。以右銓在浙西。與已有舊。欲往干謁之。來到。夢人送官詣至云。張輓可袁州新喻令。輓言已曾爲赤尉。不應作此官。不肯受。其人曰。兩季俸支牒已行。遂委之而去。及輓見銓。銓以

輟送限尚遠。勸署昆陵鹽鐵場官。輟以資故強受之。既至視簿書所用印。乃新驗度印也。四月領務九月而罷。支兩季俸云。

俸增減

占 夢增俸者。官匪業茂。命永家亨。夢減俸者。職降壽促。有罪犯人夢之。又為戒科吉兆。不可泥也。

停俸

占 兆此主家居有絕糧之厄。客途有病殍之災。必非佳祥。

借俸乞祿

借得俸者。主有暫時之通。目前獲利。借不得者。缺食。人來借者。不與吉。與之已減色。夫利然。應在貴人。則為官祿。應在下人。則為文契。左券之占。乞得祿者。主壽添飲食豐隆。不得者凶。文士夢之。得則收錢。否則失名。夢人來乞祿者。主有求薦求貨之應。貴人用之。必有士子乞取科第也。

追償俸祿

富者夢之。產業將衰。
老者夢之。年命已終。

隋侯養先家。構佳園。山水環遶。花木爭菲。珍禽奇獸之類。無不脩蓄。又置美姬。擇百人。琴奕管絃。報疑歌舞。其中。窮極娛樂。時號小隋場。有一女。嫵。夜夢黃衣人。持檄來。謂曰。與汝主追償食祿。寤而白黃衣。先以爲無祿之凶。方在疑嘆。忽園史報羣鹿齊斃。乃知其應。然未數年。養先身家並亡云。

祿料

韋阜爲張延賞塔。落魄不得志。一夕夢神人語云。吾子名係葛瑛。祿食全蜀。富貴將及。他日毋忘葛瑛。後節度全蜀。乃作南宮。問四十。範全刻石。自製碑文。志之。蓋別本。命丁卯。屬葛瑛也。吳越元。樂次子。文。未以。漢爲中。足軍。衙內部指揮使。某在郡。登烏鵲橋。見禽獸。立於城中。旁一人云。此二郎祿料也。後改節度。副使。幾三十年。及嗣元。燕爲節度使。累加至檢校太尉。中書令。壽八十一。

○○○壽算類

祿命籍

占

凡人壽命食祿皆由冥定。非形干夢。無從見兆。詳于冊籍。註長則命長。註短則命短。註多則祿多。註少則祿少。然惟官高壽永者。乃得兆此。必應斯占。非偶言已也。

妻師德少寤疾。夢紫衣人來召之。行數里。見路傍解署。朱門甚高。曰地府院。師德入其院。吏卒辟易。見一王者曰司命主世人祿命之籍也。有書數千幅在案上。傍有祿衣者。解為按牒。師德視已名。歷官次第。位至台輔。壽至八十。驚寤。疾亦間。後入仕。歷官。咸如夢中所見。及為西涼帥。見黃衣使者來召。師德曰。吾見司命之籍。位壽俱高。何為遽見存黃衣人曰。公為某官。悞殺無辜人。位與壽為主吏所降矣。卧疾三日卒。

告以延壽

占 夢此者主其人積德必享遐齡故
有新兆且須獲夢增修其占乃驗

太任夢長人感已
日俾爾子壽而昌

寶禹鈞家甚豐年三十無子夜夢亡祖亡父聚
之曰汝早脩行緣汝無子又壽數不永禹鈞唯
後十年復夢其祖父告之曰汝自數年以來名譽
天曹陰府以汝有陰德延三紀賜五子各榮顯

告以壽盡

占 夢主其人年數應終故神靈警告非大德之士
窮惡之人兆之者宜反躬修省或可回天之意也

皮化縣令王昭罷任歸建業泊舟秦淮病甚夢朱
衣吏執牒至曰君命已盡今奉詔曉曰命不敢辭
但舟中狹隘欲寬假之使得登岸卜居無所憚也
吏許諾以五日為期至日平明且當來也既寤便
能下牀自出僦舍營辦凶具教其子哭踊之
節召六親為別至期登相安卧向曙乃卒
晉沙門道泰嘗夢人云君命當終六七泰年至四
十二遇篤疾慮必不濟悉以衣鉢之資厚為福施

歸誠觀世音不替時所坐牀帷下。忽見人跨戶而入。足趺金色。光明照屋。泰乃褰帷遽視。奄然而滅。驚喜交集。因流汗遍體。所患頓差。

神許壽數

占白

夢此者。許益多者。壽數多。益少者。壽數少。果能純心修德。則既兆此占者。必有福佑。非冥數不能前定。乃其人之德所能轉移。豈非大吉之兆哉。

陳希亮嘗夢異人按圖告其壽止六十四。至是英宗立。遷太常少卿。適當其年。乃求致仕。果卒。門生張少孤。母沙氏守節不二。老疾藥弗効。瑯憂懼。每夜露禱北辰。所以身代時母疾。劇不粒食者七日矣。忽蘇謂瑯曰。適有神語我云。而有子加壽三十四。疾愈變為風痺。子媳晝暮扶掖三載而沒。乃三十四月云。

徐溥謂范文正公廟。少憇假寐。忽夢一人朱冠來曰。君壽還有兩于。覺而思之。以為二十年也。其後

二十二年卒。蓋千字。兩
十兩一。合爲二十二云。
查道嘗夢神人謂曰。子位至正郎。壽五十七。後官
至右司郎中。享年六十四。人以爲寬厚仁孝所延
云。

梁延嗣事高氏。歷四帥。歸宋。授復州防禦使。嘗暴
疾。禳於城隍神。其夕夢神告以九九之數。俄而疾
果愈。壽至八十有一歲。

人賀壽

賀人壽

占日

夢人來賀已之壽。少年不吉。中年爲瑞。老年大凶。
貴人主有郡邑地名。遷轉其處。平人主有恩榮小
慶。賀人壽者主
其人永算也。
馮絳年七十二。誕日。妻一緋衣人以二綺羅稱賀。
寤。卽呼童書之于東。明旦召子婦設盛饌飲之大
饌。絳執東示之曰。吾壽止于此矣。衆皆曰。夢人賀
誕。佳兆也。絳曰。二尺長七丈二尺。與吾年符。遂卒。

○○○嘉禮

新冠 吉

占

夢主頭角峰嶺冠冕一世之象。仕宦夢之。主陞位加官。平人夢之。主舉頭有碍。如見人新冠者。主其人成立顯達。

賀冠 吉

占

進爵加官之兆。

華陽范鎮以少司徒致仕將行。夢王安石持燭稱賀嘉禮。却之不受。安石曰。既冠當賀。却之不禁。及旦。蘇軾行賀。鎮以夢告之。蘇軾曰。公雖還名益重矣。後封蜀郡公。軾書曰。賀冠持燭之夢。今果驗矣。燭無火。蜀字也。

命子冠 大吉

占 夢此而有子者。主其子超群出衆。應試必居榜首。
日 無子者。主得佳兒。如子夢父命者。兆主成人自立。
能繼父業。平常之應。凡事必居上首爭先。爲佳祥也。

女子冠笄 吉

占 夢見女子新冠者。文人功名顯達。平人聲技精熟。
日 如女子自夢新冠者。主得貴子。閨女夢此。爲女中
丈夫。或身變女子而冠者。爲陰陽變合。反覆不一之象。

道者加冠

占 夢此者。主道紀有權。如仕人夢之。
日 主得臺官。如平民夢之。主獲賊盜。

僧衲披剃 大吉

占 人曾爲僧。生生不已。頭上光。得人度。受齋納寶。結
日 萬方緣。嘉祥之象。夢之主善繼前人。遊方之外者
也。

曹確判度支。亦有台輔之望。一夕夢剃髮為僧。心甚惡之。有一士人占夢多驗。惟具以所夢語之。士人曰。前賀侍郎旦夕必登庸。不者。號判度也。行且驗矣。無何杜栢出鎮江西而確遂代之。

出家還俗 凶

平陰王章。遵學長安。夜被牛皮而臥。夢披剃作開相寺和尚。及仕尹京兆。夢于開相寺蓄髮加冠。以語諸友。或曰。加官之兆。卒為王鳳所害。

剃度僧尼 吉

占 主結得人緣。

議結姻戚 吉

凡為夫婦者。皆前生之緣。其有求而展轉反側。分雖必于未定之先。時不將于未嫁之頃。徵之蓍龜。形之夢寐。露其幾于未露之際。云耳。若夫姻親既結。成姻嬾已久。而夢寐之中。反生異議。非媾離之

曰 謂也。主有朋友之交。接擬議以成其變化。貨財裝束。皆係前緣。此其所以假寐姻戚之議。以漏天機而已。

定兌 吉

占 夢主成。立之徵。

受聘 吉

占 聘者欲招之來而先致其恭也。有爲君聘其臣者。有爲父聘其友者。有爲子聘其師傳者。而婚聘爲治家之要。大倫之本。恒人之所見知。但知有婚聘。是以夢中形見。其驗不同。凡夢此者。皆吉祥之兆。夢辭却之者。義也。情也。

行聘

占 夢之。主財物與人之象。鯨寡孤窮。夢之。皆吉。若爲人夫而夢聘妻。爲人婦而夢聘贅。皆凶。

裝奩

廉吏何敬叔。值歲儉。榜門受餉。夜夢子媳裝奩五十六車。車載珍寶各百斗。斗上一角。曰。此非清約者之夢。心甚惡之。及端陽節。得米二千八百石。盡輸國稅。蜀貧民之租。

陳寔語其子曰。見娶婦時。吾夢奩中萬羊。使者引弓射之。今生孫祥。他日貴為僕射。後陳羣官尚書。

僕射。朝士稱之。正直大賢。

尹驥。夜卧驚省。呼弟朋曰。夢大不祥。奈何。弟曰。何夢也。曰。夢簡嫁女。裝甚盛。弟為揶揄。我未生女。簡裝何用。朋曰。日後生女。得備盛裝。今豫兆耳。尹氏有田。為張氏所奪。顯憤大開。張氏詐作傷命。訟顯當坐。朗痛恨。自擊。腦裂而死。

子舍婢姻吉

占得作翁姑。孫枝茂盛。家道成矣。

出嫁 凶

占 夢女出嫁主破家。妻出嫁。主再醮。女夢人迎娶者。大凶。男夢自身出嫁者。主有遇合。

娶婦不行禮

貞吉 否凶

占 此得華服之兆。若日 夢鼓吹迎娶。大凶。

結姻稱賀 吉

受人慶賀。必有佳祥。人稱結姻。是緣分成就。夢之主有因得吉。仕宦乃升爵加祿之徵。平民乃遇新相知之兆。

張鑑初應選舉。夢諸戚設燕。花燭滿堂。有趙氏執官曆稱賀結姻。寤不悅。曰。稱賀結姻。非美兆也。及大曆中。守工部尚書判度支。曰。昔夢人持曆賀嘉禮。今驗之矣。

歸寧

大凶

生。寄也。死。歸也。人之生也。多事。少遇。人之死也。現。飛體寧。男夢必凶。女夢或吉。有新娶者。夢妻歸寧。以問其父。父曰。此生離之兆。或曰。歸寧是常禮。何謂不祥。其父曰。婦夢歸寧。是不忘其母也。吾子夢之。他日此婦當再醮。後五年。果以不孝去。

退悔姻眷 凶

占 破敗滅亡之兆。

再娶 否凶

占 男夢兩妻。主作事重疊。再得他人財物。女夢其夫再娶。主言辭反目。若病中夢之。主來生之事。或有舊日相親者。則邪陰假此以入戶庭。大凶之兆。

私約

占 此非正人君子之所夢。而見之者。主有意外之緣。陰事有成。

取婢吉

占 此直叶之夢也。但以形貌詞氣。衣裝景物推之。其所驗者無爽矣。

私奔別地成姻

占 惟彼有情。我心不寧。急走荒野。潛入幽處。淫心將作。色膽無驚。惟爾麗姿。念念在茲。今宵何幸。人其知之。見知惟妙。育成于斯。花燭輝煌。合卺象房。指天祝誓。世世不忘。天網依律。禍及徬徨。邪淫之妻。

以妾為妻

占 君子夢之。因禍而得福。小人夢之。因小而獲大。夢見他人。伊有盜心。正婦夢之。殞亡在即。婢妾夢之。依棲身側。

以妻為妾

占 妻于字為立女。以妻立女。為老陰化少陰之象。妻之主棲止之地。陰氣重。陽氣衰。宜以遷移應之。又

曰

立女乃招婿之占。妻為我之匹配。定主親上連親。入贅佳婿也。丈夫夢之。閨房積聚。私蓄豐盈。又主妻無而妻有也。

安麗華貌如貴妃。才通文藝。其父為大學生。嘗有此夢。招贅卜之。醫曰。妻者接也。妾子富也。須防盜至。未幾適朱泚之亂。麗華逃隱娘廟。後作屠婦。

妻嫁他人

兆此主家業消散。陰人異心。門戶虛空不祥。

朱滄盛時忽夢其妻來別嫁。與隣間豪貴之家中甚悽慘。下何身係冤獄而死。

買妾

夢此主明日有兩人疾趨至門爭言。口舌之禍蚤起。以鏡懸門可解之。又此兆恒屢正應。或吉或凶。必詳其夢中所見姓氏形貌以推之。可知其詳。

賣妻妾

此為陰私交散之兆。
又為子身無倚之占。

為人妾 凶

出人之下。立正之旁。為副為側。為偏為竊。定主身
作宵小狗鼠之行。无事為禍亂將作之兆。妻者。棲
也。居妻之下。涕泣象
也。惟女婢夢之。反吉。
易安。夢為商人妾。
未幾夫死人手。

為媒

與人說
合之意。

女奴奔走

夢女奴來家。為有私情之約。夢身為女奴在婦
女。當主生美秀婢。始之女。夢見奔走。陰私勞碌。

妻作媒

夢母作媒或夢妻作媒皆主
納寵得妓之占但有口舌

〇〇〇 妬孕

妬合

夢與他人交合主為人幹盛小有悔無大咎屬終
 吉○交接男子主失財○與婦交者凶○與男人
 交者吉○玩弄陰戶者主爭鬻之災○陰陽相對
 抵推不合必有火關○抱懷不亂主歡樂喜慶和
 而不流萬物迴春之兆○合入不終者作事反覆
 謀利不成○聯夢美女交構主崇厲損精宜正心
 以辟邪則諸淫鬼
 遠之而不能相侵

若夢中妻妾奴婢抱挾枕邊是人之常無足怪者
而動靜詞色聲音笑貌或其家之所無或已身所

占曰

不與。或理所不當與而嘗與處者。或事所宜然而身未嘗若是者。或心之所慕而未嘗及者。或向之所為而令久弗為者。若是者。皆當以其細推之。凡夢與姑妹處。夢與娼妓處。夢與姪姪處。夢與童子處。皆非吉兆。而夢與娼妓始同寢。或亡過妖理者。大凶。晉咸和初。徐情遠行。夢與妻寢。有永當為。至師死。作社公。明年妻果產。後如其言。

懷孕

占曰

氣從有胎中生。胎從伏氣中得。陽氣動。動極而靜。而生陰。曰巽。曰離。曰兌。其胎為女。陰氣靜。靜極而動。動而生陽。曰震。曰坎。曰艮。其胎為男。陽氣生。木。木屬肝。肝主血。血主于胎。而為女。會氣生水。水屬腎。腎主精。精主于胎。而為男。陰陽合閉。而生金。金屬肺。肺主氣。氣會而成胎。懷胎四十九百刻而分。燒。夢懷即此神也。夢婦懷孕。主有財。夢妻孕。主外私。夢見姪婦。主事成。張司直疾病。夢身懷孕。甚惡之。華光遠曰。此去遇壬辰日。當愈。懷孕。妊娠也。有大福也。壬辰日果

產

生育

賀人生育

金丹妙訣云。胎成十月生。個個會騎鶴。世所稱。神。即此也。鶴善鳴。鶴神主耗。故夢見童主口舌。而修煉大方家。善養生者。夢懷胎為得道。嬰兒童為嬰兒。姪女。夢產育為不祥。氣聚氣散之說也。恒人之家。夢生男為疾病。夢生女為失財。夢抱新生子。孫為大發。生生之謂也。夢小口病死為口舌消散。者。積愁而有災。改過而成祥也。好學之士。夢孕育。而得遠志。得賢良。得進取者。何哉。參贊化育之志。使然也。元占此夢。宜以六節之序。六甲之盈虛。引所向而推之云。

托生

占 夢此主產業廢興。當因其聲音顏色推詳焉。或相與往來。有事相托。而夢寐之間。假借托生。以為生克之兆。或前生未了。或天降異人。而豫為兆。若夢骷髏妓女野僧者。不祥。

占

占

占

占

占

占

占

占

占

占

占

占

占

司徒高彥。夢一道士。仗劍至臥內。曰。來為司徒子。要戮數千仇耳。高異之。是月妻果有孕而生子。名禮。

彌月

占 主凡事有三十日之占。

周歲

占 及期之象。周旋之兆。

小產

占 此夢主口舌消散之兆。又疾病。折除之象。若有妊者。須防血吐。

分娩生二三子

占 仕宦夢之。主官爵高陞。一品之兆。平民夢之。主是非口舌。連累之兆。

產下鬼形

占 文墨之士。夢此
日 主大魁天下

見人產兒

占 夢見尊長產兒主小口興財夢見卑幼產兒者主
添神見男子產者主得子見女人產者主得財如
日 夢妻女產兒者而主子孫茂
盛夢父母產兒者祖業空虛

身是小兒為人產下

此夢出入腹我之兆

夢林玄解卷之十

夢林玄解



卷十

始孕

三

夢占